



NAKKUTILLINERMIT NALUNAARUSIAQ

ANINGAASAQARNERMIK NAKKUTILLINEQ

ULLOQ UNNUARLU PAAQQINNITTARFIK
IMMINUT PIGISOQ

Angerlarsimaffik Akilliit

2019-imi saqqummersinneqartoq

Paaqqinnittarfiup aqqa: Najugaa: Oqarasuaat: Mail:	Angerlarsimaffik Akilliit Postboks 400, Qussartok B.741, 3920 Qaqortoq +299 64 22 88 bruuu@akilliit.gl
Pisortap aqqa	Carl Rødgaard
Siulersuisunut ilaasortat	Stine Egede (Siulittaasoq), Simon Simonsen, Agnethe Hegelund, Johanne Kjølby, Lars Peter Frederiksen
Saaffigisat inissallu amerlassusii	Meeqqat aqqaneq-marluk 18-illu akornanni ukiullit nalinginnaasumik silassorissusillit. Inissat 19-it, immikkoortunut pingasunut agguataakkat
Nakkutilliinerup qanga ingerlanneqarnera	2019
Nakkutilliinermik ingerlatsisut	Isumaginninnermut Inatsisinik Atuutsitsinermullu Naalakkersuisoqarfik, Nakkutilliinermik Ingerlatsivik
Inatsisitigut tunngavigisaq	Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq § 9, imm. 2

Nalunaarusiamik eqikkaaneq

Inerniliineq:	Aqutsisunut nalinginnaasumik akissarsiaqartitsinerup saniatigut ingerlatseqatigiiffiit ulloq unnuarlu paaqqittarfimmi aqutsisunit peqataaffigineqartut aamma ulloq unnuarlu paaqqinnittarfiup akornanni aningaasatigut niueqatigiittoqarneq ajorpoq. Paaqqinnittarfiup illuutini nammineq pigivai. Tamannalu paaqqinnittarfiup ulloq unnuarlu najugaqarnermut ataatsimut ininut
----------------------	--

	aningsartuutaasa nunatsinni paaqqinnittarfiit imminnut pigisut akornanni appasinnerpaanut ilaanerannut pissutaagunarpaq.
--	--

Nakkutilliineq pillugu

Aningaasaqarnermik nakkutilliineq

Paaqqinnittarfiup aamma inuit ingerlatseqatigiiffiilluunniit paaqqinnittarfimmut attuumassutillit akornanni aningaasatigut niueqatigiinnerit, taamatullu niueqatigiinnerit najugaqartut najugaqarnerannut akip kommunit akilertagaasa aalajangersarneqartarnerannut sunniutai pingaartillugit nakkutilliineq ingerlanneqarpaq.

Atortussat misissuataarneqartut

- Ingerlatsinermit isumaqatigiissut 26.01.2015 ullulernerqarsimasoq
- Naatsorsuutitut tunngatillugu 2017-imut ukiumoortumik nalunaarut kontunut tamanut oqimaaqatigiissitsinertalik
- Ukiumoortumik nalunaarut 2017
- Itisiliilluni apeqqutitut akissuteqaatit, kiisalu taakkununga atatillugu uppersaatit
- Paaqqinnittarfiup (Savalimmiunilu) P/F JFK-p akornanni qularnaveeqqusiussisimanermit uppersaatit illeqqoreqqusat tiguneqarsimangillat, taamaattumillu misissuataarneqaratik.

Aningaasaqarnermik misissueqqissaarneq

Missingersuutitik misissueqqissaarneq	Akilliit
Akiliutinit isertitat	16.812.246
Isertitat allat	99.586
Isertitat katillugit	16.911.832
Toqqaannartumik atuisunut sammisumik aningaasartuutit	-2.136.928
Sulisoqarnermut aningaasartuutit	-10.841.271
Ataatsimut aningaasartuutit	-327.796
Qarasaasiaqarnermut aningaasartuutit	-144.509
Pequtitut, atortunut il.il. aningaasartuutit	-
Atortunut assakaasulinnut imaatigullu angallatinut aningaasartuutit	-555.283
Nunaminertanut, illuutitut il.il. aningaasartuutit	-960.453
Aningaasartuutit katillugit	-14.966.240
Erniat nuussinerillu sioqqullugit angusat	1.945.592
Erniat karsimilu nikingassutit	-188.434
Piffissami angusat	1.757.158

Kisitsisit qitiusut	Paasissutissat tunngaviusut inissat/ulloq unnuarlu najugaqarnerit	Akilliit
	Inissat amerlassusissaat	18,0
	Inissat amerlassusivii	18,0
	Ulloq unnuarlu najugaqarnerit amerlassusissaat	6.570
	Ulloq unnuarlu najugaqarnerit amerlassusiviit	6.594
	Inissanik atuneq	100 %
	Ulloq unnuarlu najugaqarnermut ataatsimut isertitat/aningaasartuutit	Akilliit
	Akiliutinit isertitat	2.550
	Isertitat allat	15
	Toqqaannartumik atuisunut sammisumik aningaasartuutit	-324
	Sulisoqarnermut aningaasartuutit	-1.644
	Ataatsimut aningaasartuutit	-50
	Qarasaasiaqarnermut aningaasartuutit	-22
	Pequtinut, atortunut il.il. aningaasartuutit	0
	Atortunut assakaasulinnut imaatigullu angallatinut aningaasartuutit	-84
	Nunaminertanut, illuutitut il.il. aningaasartuutit	-146
Ulloq unnuarlu najugaqarnermut ataatsimut angusat ilanngaasikkat	2965	
Kisitsisinik qitiusunik misissuataarineq	Paaqqinnittarfiup illuutit paaqqinnittarfiup ingerlatsivigisai nammineq pigisarai. Illuut aningaasalersorneqarsimavoq pigisanik aalaakkaasunik qularnaveeqqusiussilluni, aningaaserivimmit attartorluni aamma P/F JFK-	

	<p>mit (savalimmiormiut suliffeqarfiat namminersortoq) taarsigassarsilluni.</p> <p>Inuit paaqqinnittarfiup aqutsisuinut ilaasut imaluunniit inatsisitigut immikkoortut taakkunanga paaqqinnittarfimmilluunniit akunneqartut akornanni pingaarutilinnik attartornissamut allaffissornikkullu aqutsinissamut isumaqatigiissuteqartoqarsimanersanut takussutissaqanngilaq.</p> <p>Paaqqinnittarfiik 2017-imi 1.757.158 kr.-inik sinneqartooteqarpoq, 3.781.376 kr.-inik nammineq aningaasaateqarluni, 2.753.077 kr.-inillu tigorianaannarnik aningaasaateqarluni.</p> <p>Aserfallatsaaliorluni suliassat annertunerusut aamma/imaluunniit najugaqartut ikilisinnaanerat piareersimaffiginiarlugit naammattumik namminerisamik aningaasaateqalernissaq anguniarneqartoq paaqqinnittarfiup ilisimatitsissutigaa. Nammineq aningaasaatit 4 mio. kr.-it missaanniilernissaat kissaatiginarlunilu pisariaqartoq aqutsisut nalilerpaat. 2018-imi 650.000 kr.-inik sinneqartooteqarnissaq missingerneqarpoq. Tamanna piviusunngortinneqarpat nammineq aningaasaatit kissaatigineqartumik amerlassuseqalissapput.</p> <p>Paaqqinnittarfimmiittuuteqarnermut 2017-imi agguaqatigiissillugu akiliut ullormut unnuamullu ataatsimut najugaqarnermut 2.550 kr. missaanniippoq, paaqqinnittarfiit imminnut pigisut akornanni appasinnerit ilagalugu Namminersorlutik Oqartussallu paaqqinniffiutaannut naapertuullutik.</p> <p>2017-imi najugaqartumut ataatsimut toqqaannartumik aningaasartuutit 118.718 kr.-iupput. Taakkunanga nerisassanut aningaasartuutit tamarmiusut sulisut nerisaqarnermut akiliuteqareernerisigut 734.465 kr.-iupput, taakkulu nerinermut ataatsimut 37 kr. missaannut naapertuuttut (ulloq unnuarlu najugaqarnermut nerinerit pingasut). Najugaqartumut ataatsimut inummut aningaasartuutit 19.751 kr. missaanniippoq, najugaqartumullu ataatsimut angalanermut aningaasartuutit 35.332 kr.-ullutik. Ullormut unnuamullu ataatsimut akissarsianut aningaasartuut 1.644 kr.-iuvoq. Allaffissornermut aningaasartuutinut procenti 2 pct.-ingajaavoq (ataatsimut aningaasartuutit isertitanit pct.-inngorlugit), tamannalu appasittorujussuuvoq.</p>
<p>Nakkutilliinermik Ingerlatsiviup naliliineri</p>	<p>Nerisaqarnermut akigitinneqartut nunatsinni ulloq unnuarlu paaqqinnittarfinni tamani agguaqatigiissillugu nerisaqarnermut akigitinneqartunut naapertuutikannerput.</p> <p>Aningaasarsianut aningaasartuutit nunatsinni paaqqinnittarfinni imminut pigisuni akissarsianut aningaasartuutit appasinnerpaartaraat. Akissarsianut aningaasartuutit taama appasitsiginerannut ilaatigut pissutaasoq sulisumut ataatsimut sulisut ikinnerat taamatullu ukioq naallugu sulisartut eqqarsaatigalugit agguaqatigiissillugu aningaasarsianut aningaasartuutit appasinnerat Nakkutilliinermik Ingerlatsivik isumaqarpoq. Paaqqinnittarfimmi agguaqatigiissillugu akissarsiat taamaalillutik appasinnernut ilaapput Namminersorlutik Oqartussallu</p>

	<p>paaqqinnittarfiutaanni akissarsiaritinneqartartunut naapertuutikannerlutik, tamannalu Nakkutilliinermik Ingerlatsiviup Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 1-imi, 25. januaari 2019-imeersumi § 36-imi malittarisassamut naapertuuttutut isigaa. Ulloq unnuarlu najugaqarnermut ataatsimut ininut aningaasartuutit nunatsinni paaqqittarfiit imminnut pigisut akornanni appasinnerpaajupput. Paaqqinnittarfiup illuutiminik nammineq piginninnera tamatumunnga qularnanngitsumik ersiutaavoq.</p>
Kaammattuutit, inassuteqaatit peqqusinerilluunniit	Soqanngilaq.